



Keraiyadar okkólottu Hók okkól asé!

New South Wales ót bára gorón óré zanai diyazar

New South Wales, Australiát máze tuñwar gór bára goribár thaimot tuñwar kaanuni hók okkól asédé híinor baaborte ekkán aám nozoriat.

É hákíkot ór habos fata iyanóre bára goroiya okkólór New South Wales jomúurir torfottú keraiyadarór wokil goroiya okkólottu lekágiye [Tenants' Union NSW] ar Bára goroiyar nétwork okkól, Mocuware ar Wokalotigorár Hédmot okkól [TAAS]. Torujuma goirjjede híinóre kaabil asédé torujuma goiroiya okkól é sék goirjje. Aró mozid maalumat okkólóre añrar tenants.org.au website ót soó

Zodi tuñwartu uggwá bára goroiyá hísfáfe tuñwar kaanuni hókkór baaborte mocowara lagile, tuñwár elakar bára goroiyar nétwork okkól, Mocuware ar Wokalotigorár Hédmot okkól [TAAS] ót máze zugazu goro. Tuñwar elakar [TAAS] ór zugazug ór maalumat okkól tuaibella é website ott tenants.org.au/get-advice soó. Tuñwár elakar [TAAS] óiyedé uggwá azad ola, becórkári tonzim hítára maana maalumat okkól de, mocowara, ar bára goroiyá okkólolla wokaloti goré.

Zodi tuñwartu uggwá hotá bañgidoiya lagile, Torujuma ar Hotá bañgidoiyar Hédmot (Translating and Interpreting Service) [TIS]óre 131450 ótt ar hítárare tuñwar elakar [TAAS] óre koól goribella hoó. Yá online ótt [TAAS] ór baaborte aséde maalumat loi zugazugori hitárare uggwá hotá bañgidoiya ré loi koól goribella hoó.

Tuñí bárátir baaborte mocowara ré NSW [NSW Fair Trading] ótt sai fariba, ziyán óiyede NSW hókúmotor bútoror tonzim. Soó nsw.gov.au/departments-and-agencies/fair-trading ótt yá hítárare 13 32 20 ótt koól goró.

Iyán ekkán bála aholor hám tuñwar ar góror malek/ején ór bútoire kiki óiyede híinor rekórd rákoón nán. Aró tuñwar keraiya goirjjodé góror razinomar hagos yá lease ór nokol kopy [lease]raikkiyo, hálótor reput [condition report], gosífiyóde habos okkól (reseip), siçí okkól, emails ókkól ar, fotú okkól.

Bára doón yá loónor ajén (real estate agent) [real estate agent] óre góror giros/malike sóoñlibella tiñya de. Mone raikkiyo hé ajén é góror giros/malikor lá ham gorede.

NSW ót mazé bára goirlé hón kaanunór bútoe cámel óibou?

NSW ót bára goiribar baaborte 3 háas kaanun okkól ase. Béc bág manúic tákede keriya looya/diya okkól (Residential Tenancies Act 2010) tákede keraiya okkólor kaanun dofá 2010 bútoe fore ar (Residential Tenancies Regulation 2019) tákede keraiya okkólor kaanun dofá 2019. Baás (Baás bára loiya okkól (zeénneki boadín okkól ar hotel okkól) ar (Residential Tenancies Act) tákede keriya okkólor kaanun dofá máze noófore – nise soó.

Tákedé Keraiyadari okkólor dofát(Act) mázé nisor íin cámel ase:

- Háas keraiyadár okkól zaráttu ekkán lekíyaro yá mukór zubanor (tákede bára goroiya/doiyar) razinomar hagos fonna, aró híinore [lease] ó hoó
- cómaji górbári lóon (sórhári gór) [social housing] – aám górbári (public housing) ó cámel asé [Homes NSW], sómajír górbári (community housing), ar Eboriginal Górbárir Óffis (Aboriginal Housing Office). Sómajor górbárir (Social housing) bárátir okkólorlla háas hók okkól ar zimmadari okkól kaanuni dofát mazé asé.
- Ze manúic uggwá é zaga keraiya dede cómajottú ekkán gór bára loó[land lease community]

Tákedé Keraiyadari okkólor dofát(Act) mázé nisor íin cámel náí:

- boórdín okkól ar tooitta tákede zaga okkól [boarders and lodgers]
- fóila bára loiyedé hitártu arekzon é bára loiyedé híin okkól zaráttu lekíyaro honó hagosor razinoma náí
- Góror malik okkól é zará ekkán zaga bárá de uggwá zaga bára dede cómajot [land lease community]
- Héfazotot raikkédé bárati okkól [protected tenants] – uggwá háas gurúfor bárati okkól
- burá maincór-dekbal gorá (aged-care), kessúdin orlá- dekbal gorá(respite-care), kérmos goréde gór okkól (nursing homes), hamor zindagirtu retaire goirjjede manúic tákede fara okkólor kontrék okkól, ar dhaktor hána okkól
- hotel okkól, motel okkól, hédmot dede fléth okkól, ar béckpaker okkólor hósthel okkól
- ekkenágorílla tákede gór, zeénneki faná loó [refuge] ar mosibotor hálotot tákede gór; lamba gori tákede cúthkir din ór bariza okkólor razinoma okkól; kessu din tákede bára gór 3 máñce ottuwaró hom take, híyan tuñwar hámicá tágode zaga noó, zeénneki cúthkir dinót tákede [Airbnb].
- Zaga híin beéc bág hasharbar okkól goribella estemal gore, códori, fecá wála, yá ál-cás
- Kessú onniyo haás bondubos okkólorla.

Zodi tákedé keraiyadari okkólor dofát(Act) loi gólai nofaillé tuñwar hálotore, é hákikotor habos íin tuñwarla no hácí bou. Zodi tuñi fakka gori nofarór, tuñwar elakar [TAAS] loi mocowara loibella zugazug goro.

Decóitta ar Entezami Tribunál hoóde [NSW Civil and Administrative Tribunal – NCAT] kí?

NSW Decóitta ar Entezami Tribunál [NSW Civil and Administrative Tribunal – NCAT] híba uggwá azad ola kaanuni body híbartú góror malik okkól ar báрати okkólor mazé hoija oíle fáisala goribar taakot ase. NCAT hóode híyan kanunir hañsari noó, kintu faisala gorede híin kaanun orttu mana foribou. [NCAT] é (bond) bañdá diya okkólor baaborte hokúm gori fare, neelaidoon, thíkgoron, falede januwar, ar onniyo bára okkólor baaborte. Ze manuíc chwá é [NCAT] ótt káesór baaborte faisala ar fúné híbare hoóde Tribunál Membór [Tribunal Member].

[NCAT] é uzuzu zuban estomal gore ar cáda karwaiyi okkól gore. Uggwá keraiyadar hísafe tuñi nezebaze hámicá hotá hoi fariba. Kamiab oibár béci mouka oibella, nizebaze sáf gori tuñwar kahini ré hoiyó, sábout okkól tuñwati diyo.

Zodi tuñwartu uggwa hotá buzai doiya lagerde oíle, tuñwar dorhás ót leko yá tuñi tuñwar fúnánir baaborte ekkán notís faile [NCAT] óre hoó. [NCAT] é hotá buzai doiya uggwá maana dibou. Hotá buzai doiya é tuñware mocowara yá wokaloti gori nofaribou, hítarar ham óiyede ziin hoó bekkulún borabor sói gori hotá báñgi doón.

Tuñi foilabár [NCAT] ót zaile Tuñware goror malik/ajén loi razi robot oibella kucís goribou hínore hoóde milizaon [conciliation], ar hécé uggwa milaidoia (conciliator) é modot goribou.

Zodi tuñi ekkán razi robot oí nófarile, híyar baade [NCAT] é mosollá híyanor baaborte fáislala goribou- tuñi ar tuñwar góror malik é diyedé sábut híin loiyaro bortoman kaanun hísafe fáisala goribou. Tuñwartu sábut okkól diyaforibou zeénneki fothú okkól, leká aséde boiyan okkól, reput okkól, email ór kopy okkól.

Zodi tuñi [NCAT] ór fúnánir baaborte notís ekkán faiyode oíle, tuñwartu hámhá uçon saá, tuñwar góror malik é nozaitó hoilé yó. Zodi tuñi noó zoó, iyán oíttfáre tuñware sára híára faisála gori félaibou.

Zodi tuñwartu [NCAT] ót zaaforer, iyán ekkán bálá mocowara diyazar tuñi tuñwar elakar Keraiyadar okkólor Mocowara dede ar Wokalotir Hédmot [TAAS] déde hítarattu mocowara loón nán.

Tuñwar Bára Iowa cúru goron

Tuñwartu hók ar zimmadari okkól ase tuñi zeénrte gór ekkán bára loiblella dorhás goro, ar zeénrte tuñi bára Iowa uggwá cúru goirjjo. Góror malik/ajén hítarattu hámhá kaanun okkól mana foribou ar sói maalamat okkól tuñware diya foribou. Gór bára loi tákibár age cekgori soón becí zoruri.

Tuñware hámhá tákedé keraiyadari okkólor dormiyanot goirjjede razinomar kopy [residential tenancy agreement] uggwá dibou, bécbág hínore uggwá [lease] boli hoó. Razinoma híin hámicá lekíyaro goréde hálotot táke, héndoilla oíle yó zubaane yó oíttfáre. Uggwá esténdad bārār hagos (lease) asé zibáre bécbág góror malik okkól é estomal gore. (Lease) bārār razinoma hoóde híin uggwá kaanuni hísafe gorede kontrék. Iyán ekkán bálá mocowara de razinoma (lease) óre thaim loiyaro foroón- honó hissá ekkán honó ekkán hécé haçi diye né, yá bartí corót okkól honó cámel

goirjje né. Barttí corót okkól cámel gori faribou zodi tuñi ar tuñwar góror malik duinizon razi oiyóde oile, Híne tákedé keraiyadari okkól dor dofát(Act) máze honó mockil nogoredde oile yá oinniyo kaanunor kéhlafl noór dé oile.

Béc hálot okkól ot tuñi (lease) razinoma dostok gorí baade, Tuñware dui háftár bára advánse hísfáfe dibella hoibou ar bañdá hísfáfe [bond] dibella. Bañdá hísfáfe beécot maze 4 háftár bára zoma raka foribou. (Bond) máni zomanot hísfáfe bañda thiñya zoma diya foribou. Zodi tuñi (lease) razinomar niyom arde corót ókkol báñgile yá cómbotti nuksan goirjjo, munaséf órtúwaro becí dág ar fáitté, goror malik é (bond) bañdá tiñya oddók yá bekkulun daabi gori faribou. (Bond) Bañda híin [NSW Fair Trading] é zoma rake. Iyán ekkán bála aidhea zeénnéki tuñi nizebaze (Rental Bonds Online) Bárar Bañda Online estomal gori zoma gorile.

Tuñwartu 2 háftartuwaro becí bára advánse hísfáfe diya noforibou.

Tuñware há mohá góror háalotor repút [condition report] malik ortú fura gori diya foribou. Iyán becí zoruri góror hálotor repút óre thaimor bútofe fura goribella- góror sabí gosí faiyaro hañt dinor bútofe. Repút ór maze, kessú sáfsutará notákile há mohá nuth gorí raikkiyo, hóraf óigiyóí, yá thíkgorá foribou dé oíle. Fotú mári rakoón bála idhéa. Góror hálotor repút (The condition report) híyan zoruri sábut, zodi (lease) razinomar céce bañda (bond) loi honó fózzat oiyede oile. Tuñware há mohá táibar zaga ekkán diya foribou, héçe iín cámel ase zeénnéki honó baáror zaga, héfázot táka, sáfsutara asené, ar dormianor hálotot asé dé héndoilla.

Zodi tuñwartu bárá loibar baaborte mocowara lagile, tuñwar elakar

Keraiyadar okkól dor Mocowara dede ar Wokalotir Hédmot (Tenants Advice and Advocacy Service) [TAAS] loi zugazug goro.

Tuñi keraiya goirjjo dé thaimot

Tuñwartu górbára thaim mutabek diya foribou. Tuñwartu bárá abar díbar thaim aiccé dé thaimot 2 háfta muúmmikka diya (advance) táka foribou, kintu há r thaimot noó. Góror malik ortú há mohá tuñware honó bartí físfáfe górbára dibella bebasta ar tuñwar bára díbar oinniyo torika okkól ó diya foribou. Onniyo torika okkól ot máze elektruník ór zoriya benk loi dífaribella ar Sentárfay (Centerpay) ó cámel ase. Zodi tuñi nizebaze muamikka doór yá (bank) shek dile, tuñware há mohá górbárá gosí faiyéde habos okkól diya foribou. Iyán ekkán bála idhea dé tuñwar nizor rekórd okkól górbára diyode híinor baaborte rakoó nán.

Zodi tuñi górbára diyat maze fissá forigiyogóí, toile tuñi tuñwar razinoma (lease) óre [breach] báñgiyo fán oibou. Híyanor zoriya tuñware gororttú [eviction] niyalai dífaribou, kintu tuñi górbárá hísfáfe basibella ar kessu kodom uçái fariba. Zetó toraturi faro mocoware loó.

Górbára baráibar baaborte kanuni ain kanun okkól ase. Góror malek/ajént é ek bosorót máze ekbar ottúwaró becí barai noforibou. Gó r bára baráibár age hítarattu homeséhom 60 din age górbára baráibou dé híyanor notís diya foribou. Górbára barai lé tuñi zodi monegorór becí otalikka baraiye yá gair kanuni mone hoile tuñi (NSW Civil and Administrative Tribunal) ótt [NCAT] máze insáf dífariba. Tuñwartu há mohá notís faiyaro [NCAT] ótt 30 dinor bútofe dorhás diya foribou.

Góror malik ortú estemal or ciz [utilities] lagai dibella zimma ase zeénnéki fani, batti-kharun, geés ar linor telefune. Keraidar é estemal goréde hóros (utilities) híin dibou – híin zodi aladá meter loi lagaiya tágéde oile.

Zodi tuñwartu falede januwar górot raki falibella mone hoilé tuñwartu malik ortú ezazot lowa foriboul, kintu nize solafíra goribella estemal goredde januwar [assistance animal] baade. Góror malik/ajént é honó ekkán sói wajáh sára tuñwar (request)aroz óre na monzur gori nofaribou, yá maani sára niyom arde corót ókkol dinofaribou tuñí falodde januwar hín rakibella. Ehón januwar górot máze falibella kanuni torika loi ain kanun okkól ase. Tuñi NSW goórmént ór website ottu ám januwar falibella dorhás ase híyan niyalai (download) gori fariba.

Tuñi januwar górot rakile tuñwar zimaa ase hínore sáfsutára soñólibella. Zodi tuñwartu honó kessu moramot yá gorot bodola forile, yá tala okkól bodola forile, tuñwartu há mohá malik ortu likiyaro ezazot lowa foribou.

Zodi górore tík [repairs] ókkol gora forile, tuñwartu malik óre lekiyaro zana foribou, tuñi kiyór baaborte goribella soórde híin ó cámel ase. Tik ókkol goribár dorhari jinís okkól munasef thaimot gori diya foribou. Tuñware gór ekkán munasef tík gori, héfázot aséfán, ar mahafúz wala hálotot malik ortu diya foribou.

Tuñware munaséf hókdar hísafe cánti diyaforibou, aram ar hósusiyot [peace, comfort and privacy] óla bára gór diya foribou. Góror malik/ajén é tuñwar bára gorot beraito aibella saárde oile tuñware ekkán háas notís diya foribou. Tík goribella ailé tuñware 2 din age lekiyaro górot gólibár baaborte notís dibella tuñwar hók ase, Zodi urjént honó kessú tík gora noforedde oile. Gór cekgoribella aibella 12 máñc ott máze béec ott 4 bar aifaribou, homes hom 7 din age lekiyaro notís diya foribou fotti bar. Tuñi honó cánti loiyaro dohól andáz gori nofariba, aram yá antehañsór manúic okkól loi.

Zodi tuñi tuñwar górore ar ekzon óre bára door yá tuñwar bárar razinoma ré aruggwá maincóre fargorai dibella soór, tuñwartu malikor lekiyaro diyede ezazot laigibou. Zodi tuñi ekkán cíyargori tágéde górot tágile ar fotti uggwá manuíc ór naam razinoma(lesae)ótt notagile, héçé oíto fare bórati okkólor incáac ar bórati bára doiya taitfare. Iyán ekkán bála idhea bórati incáac ar bórati bára doiya okkólor fuñwati lekíyaro razinoma rakoón.

Bordín ar tooitta tákede zaga okkólor la oinnyo niyom kanun okkól ase. Tuñi oíto fare bordín ot tóiya yá tooitta tákede zagat tágór yá rejistért goirjjede bordín górot [boarding house] tágór, yá cíar gori tágéde górot tágór, zeçé góror malik, yá fuñwati góror manéjar, yá soóñlede manuíc tágé, hitarra górore ódorbare kontróul gore.

Zodi góror malik yá ajént loi honó ekkán hoija fossát oile, Iyán ekkán bála mocowara de tuñi age hítarar loi biasana goro. Zodi tuñi honó faislat foñsi nofaille, tuñi tuñwar elakar (Tenants Advice and Advocacy Service) [TAAS] loi mocowara goro [NCAT] ót dorhás dibar baaborte yá [NSW Fair Trading] ót cékáyot goribella.

Bára lowa hótóm oígiyoí

Zodi tuñi gór ottu niyoli zaibella soór, kaanun okkól hondella razinomat aséde moózin asó né, kiyorla zoórgoi de, zodi hono kessú tuñi bára lowa fúrai felaito soórde oilé. Beéc bág kaése okkólot máze, tuñi góror malik/ajént óre lekiyaro góroto niyoli zaiba boli [termination notice] notís diya

foribou ar tuñwar notís mozin tuñi háli goriba boli howa foribou. Tuñi górrttu niyoli zaile tuñwar bára lowa cés oizaibou ar tuñi góror sabí okkól gosái diba. Tuñi tuñwar notís ór agor tarík ott háli gori difariba, kintu tuñwartu zodi malik loi hono razinoma notágile, tuñwartu gór bára tuñwar notís cés dín fán gór bára diya foribou.

Eçé dui doilla razinoma (lease) asé :

- Thíkgoijjá muddot [fixed term] – háas thaim orla, zeénnéki 12 mac
- miyadi [periodic] – solat tágibou, thíkgoijjá muddot nai

Thíkgoijjá muddot uggwá céc oízaile, razinoma (lease) uggwá Othumithík miyadi (solerdé) hédoilla óizaibou, tuñi yá góror malik é zetódin fáan céc noó goro.

Zodi tuñi uggwá solerde [periodic] hédoilla razinoma (agreement) tágile tuñi niyoli zaiboilla ekkán [termination notice] niyoli zaibar notís homséhom 21 din age diyaforibou, honó waja sára. Zodi tuñi uggwá muddot wala razinoma [fixed-term] (lease) yá honó háas kanunor bútoke b́arar razinoma céc goribella soór, notís diyode thaimot h́alitaibar muddot h́ibar bára diya foribou. Zodi tuñi uggwá muddot wala razinoma [fixed-term] (lease) ótt tágile, aró maalumát yá mcowara loó honó ekkán karwai goribár age.

Tuñwartu bára gór híyanore rakí zaibaiccót tuñi zendoilla h́alotot bára goribár thaimot accíl hédoilla raká foribou, baná h́alka h́ulká dag ar fáça táifaribou. Iyán ekkán bála idhea tuñi photú tuli rakiba tuñi niyoli zaibar age.

Tuñi niyoli zaigóbár baade, tuñi tuñwar (bond) bañda tiñya dabi gori fariba. Bañda (Bond) óiyede tuñwar tiñya, ar h́in tuñware férot doónsa, kintu malikortu zodi haás magibar kaanun mutabek ekkán daabi notágile.

Kanun hísafe magifarede h́ossá okkólot máze nisor iín cámel ase:

- Bára yá oinniyo h́ossa bissa okkól tuñwartu faóna ase
- Tíik gora – zodi tuñi, aruggwá takedé manuíc yá uggwá beraito accílde honókiye zodi cónborti ré [fair wear and tear] h́alka hulka dag yá façáttuwaro béc hóraf goirje
- Sáfsutarrá goron – zodi tuñi góror honó ekkán zagare bála gori sáfsuttára noógoro
- Tala okkól bodoli diya foijje yá onniyo héfazotor zontro okkól- tuñi zodi faldaila, niyalai félai lá yá góror malikor ezazot sára mozid kessu lagaiela

Tuñi tuñwar bañda (Bond) óre tuñi zaibar fuñware dabi gori fariba. Tuñwartu gorór malik/ajén ór dostok loibella intezar gora noforibou. Zodi h́itarttu tuñwar dabi ré namonzur dabi tágile h́itarattu (NSW Civil and Administrative Tribunal) [NCAT] ott dorhás diya foribou. Zodi h́itara bañda (Bond) ór tiñya re age dabigori loifélla, tuñi [NCAT] ótt dorhás difariba, tar baade bañda (Bond) keéngori dibou dé híyan faisála goribou.

Zodi góror malik/ajén é zodi tuñware nialai dibella saile, h́itarattu h́ámohá górb́arar razinoma híyan cés gora foribou. H́itarattu ekkán sói gori niyoli zaiboilla notís [termination notice] diya foribou yá NCAT ott dorhás diyaforibou. Niyoli zaiboilla notís ott h́ámohá hodonor notís diyede híyan leká tága foribou, ekkán kaanui waja dahá foribou dé kiyorla razinoma (lease) h́ótóm górerde, ar sábut.

Tuñwar razinoma (lease) h́ótóm goribella kaanui waja okkólot máze nisor iín cámel ase:

- Zodi tuñi razinoma (agreement) bángio – górb́ara bartí baki raki diyo, yá gór ore gair kanuni wajaála estomal goror
- Gór híyan besi félaiye
- Óddor baare gór tíkták gora forer

- Goror malik yá malik or family honó kiye gorot aie tágibella saár
- Onniyo honó wajjá okkol

Ekkán niyoli zaibar notís nizebaze tuñwar górbarrar razinoma ré hótóm gori nofaribou. Tuñwar górbarrar razinoma tuñi górottu niyoli zaiyaro sabí gosái dile hótóm oizaibou. Zodi tuñi notís moózin niyoli noózo, góror malik é [NCAT] ótt maze [termination order] niyoli zaibella order ór dorhás difaribou. Ekkán niyoli zaibár order hótóm oibou ar hondinot tuñware zaibella zanaiye hédinot tuñwartu há mohá niyoli zaaforibou. Góror malik/ajén é tuñware bolaazuri niyalai dinofaribou – baná [NCAT] é difaribou. Zodi tuñi niyoli zaibár ordér hísafe niyoli noózo, malik é górore hítár kobzat mazé loibella hókum nama [warrant for possession] lá [NCAT] ott dorhás difaribou. Hé hókum nama hiyan loi, uggwá Sheriff [Sheriff] officer é zurgori gorottu niyalai difaribou.

Eçé kessú haás ain kaanun okkól ase zinor zoria góror razinoma báñgi fare zeennéki góror bútoror hoija fozzat, gor besi félaiye, bolamosibot aiccé– zeennéki oín dóirjje yá faní uitté – ar góror hozzor baaborte dohól gorer.

Zodi tuñi górbarrar razinomar hótóm goribar baaborte mocowara loibella soór, tuñwar elakar bárati okkólor óre mocowara dede ar wokaloti gorede (Tenants Advice and Advocacy Service) [TAAS] hín loi zugazug goro.

Mozid maalamat

- Maalamat, rasta zoriya okkól, ar video ókkol óre [Tenants' Union NSW] ótt ar [TAAS] ótt soó tenants.org.au
- (NSW government) NSW córhár ottu maalamat okkól saibella: nsw.gov.au/housing-and-construction/renting-a-place-to-live ott soó yá koól goro 13 32 20 ott.
- Tuñwar elakar Mocuware ar Wokalotigorár Hédmot okkól [TAAS] ott maana zugazug goro, azad ola bárar mocowar lá: tenants.org.au/get-advice ótt soó
Zodi tuñwartu hotá bañgi doiya ligure foila 13 14 50 ott koól goro.

Gair mosúlia

É hákikotor habos fata iyán ekkán kanunui rastadahde ar kanunir mocowara hísafe estomal gori nofariba. lín ze manuíc okkól zará eçé bútoe táge, yá iín loi asór goijjé, kaanun iín solibou de New South Wales, Australiat maze. © Tenants' Union of NSW

É hákikotor habos fata iyán akéri noyagoirjje Fébruari 2026 ott máze.

Maana mocuwara loibella, tuñwar elakat asédé Keraiyadar okkólore Mocuware ar Wokalotir Hédmot dedé héçe zugazug goro:

SYDNEY:

- Eastern 9386 9147
- Inner 9698 5975
- Inner West 9559 2899
- Northern 9559 2899
- Southern 9787 4679
- South Wes 4628 1678
- Western 8833 0933

THOÓN ÓR BAÁROR ELAKA:

- Blue Mountains 4704 0201
- Central Coast 4353 5515
- Hunter 4969 7666
- Illawarra Sth Coast 4276 1939
- Mid Coast 6583 9866
- Northern Rivers 6621 1022
- Northwest NSW 1800 836 268
- Southwest NSW 1300 483 786

ABORIGINÁL MANÚIC:

- Sydney 9833 3314
- West NSW 6881 5700
- South NSW 1800 672 185
- North NSW 1800 248 913